



Javno preduzeće  
ELEKTROPRIVREDA BOSNE I HERCEGOVINE  
d.d. - Sarajevo

Na osnovu Odluke Nadzornog odbora Javnog preduzeća Elektroprivreda Bosne i Hercegovina d.d. - Sarajevo o raspisivanju Javnog konkursa za izbor članova Odbora za reviziju Javnog preduzeća Elektroprivreda Bosne i Hercegovina d.d. - Sarajevo, broj: NO- 5297/20 -16/19.1. od 28.02.2020. godine, Javno preduzeće Elektroprivreda Bosne i Hercegovine d.d. - Sarajevo, raspisuje:

#### JAVNI KONKURS

za izbor članova Odbora za reviziju

Javnog preduzeća Elektroprivreda Bosne i Hercegovine d.d. - Sarajevo

- I. Nadzorni odbor Javnog preduzeća Elektroprivreda Bosne i Hercegovine d.d. - Sarajevo raspisuje Javni konkurs za izbor članova Odbora za reviziju Javnog preduzeća Elektroprivreda Bosne i Hercegovine d.d. - Sarajevo.

Nadzorni odbor vrši izbor kandidata Odbora za reviziju i podnosi prijedlog za njihovo imenovanje Skupštini Društva.

U Odbor za reviziju JP Elektroprivreda BiH d.d. - Sarajevo biraju se 3 (tri) člana na period od 4 (četiri) godine.

- II. Obaveze i odgovornosti Odbora za reviziju:

- imenuje vanjskog revizora;
- imenuje Direktora Odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u Federaciji BiH nije upoznao Društvo sa svojom namjerom da izvrši imenovanje;
- vrši reviziju godišnjeg i polugodišnjeg obračuna i istovremeno kontrolu usklađenosti poslovanja Društva i funkcionisanja organa Društva sa zakonom, drugim relevantnim propisima i osnovnim principima korporativnog upravljanja i o tome dostavlja izvještaj Skupštini i Nadzornom odboru Društva;
- obavlja poslove revizije u zavisnim društvima s kojima JP Elektroprivreda BiH d.d. - Sarajevo ima zaključene ugovore o vođenju poslova;
- razmatra Godišnju strategiju rizika i Plan revizije i u slučaju kad je Generalni revizor imenovao Direktora Odjela za internu reviziju Društva postize sporazum sa Generalnim revizorom Federacije BiH po pitanju obrade;
- osigurava da Odjel za internu reviziju izvrši svoj posao, u skladu sa Planom revizije;
- osigurava da interne kontrole iz njegove nadležnosti, u JP Elektroprivreda BiH d.d. - Sarajevo budu adekvatne i da funkcionišu kako je predviđeno;
- podnosi Nadzornom odboru sažete mjesečne izvještaje o svojim aktivnostima;
- konsultuje se sa Generalnim revizorom Federacije BiH u pogledu izbora nezavisne revizorske organizacije, kako bi izvršili stručno unutrašnje strukovno ocjenjivanje Odjela za internu reviziju svake treće godine, a po potrebi i ranije;
- osigurava da Odjel za internu reviziju obavlja svoje obaveze u skladu sa međunarodnim revizorskim standardima;
- donosi Poslovnik o radu Odbora za reviziju;
- prati obim i rezultate vanjske revizije i istu usmjerava;
- ukazuje na rizike koji bi eventualno mogli utjecati na uspješnost poslovanja Javnog preduzeća Elektroprivreda BiH d.d. - Sarajevo;
- prati poštivanje standarda upravljanja JP Elektroprivreda BiH d.d. - Sarajevo i o svojim zapažanjima obavještava Upravu JP Elektroprivreda BiH d.d. - Sarajevo, a po potrebi i Nadzorni odbor;
- predlaže mjere u cilju smanjivanja finansijskih i drugih rizika i
- drugi poslovi u skladu sa zakonom i Statutom Javnog preduzeća Elektroprivreda BiH d.d. - Sarajevo.

- III. Kandidati treba da ispunjavaju slijedeće uslove:

1. da su državljani Bosne i Hercegovine;
2. da nisu stariji od 65 godina na dan imenovanja;
3. da imaju diplomu visoke stručne spreme ekonomske ili pravne struke, koja je stečena po propisima koji su se primjenjivali prije početka Okvirnog Zakona o visokom obrazovanju u Bosni i Hercegovini ili koja je stečena u skladu sa Okvirnim Zakonom o visokom obrazovanju u Bosni i Hercegovini i koja je vrednovana sa najmanje 240 ECTS bodova.
4. da imaju 5 (pet) godina radnog iskustva na finansijsko - računovodstvenim poslovima ili poslovima revizije ili finansijske kontrole ili poslovima planiranja i analize;
5. da kandidati ekonomske struke posjeduju zvanje certificiranog računovođe;
6. da posjeduju stručna znanja vezana za nadležnosti i rad Odbora za reviziju i način rada organa upravljanja privrednih društava;
7. da nisu osuđivani za krivično djelo i za prekršaj nespojiv sa dužnostima člana Odbora za reviziju 5 (pet) godina od dana pravosnažnosti presude, isključujući vrijeme zatvorske kazne;
8. da nisu lica kojima je pravosnažnom sudskom odlukom zabranjeno obavljanje aktivnosti iz nadležnosti Odbora za reviziju;
9. da nisu na funkciji u političkoj stranci;
10. da nisu članovi Nadzornog odbora, Uprave ili radnici JP Elektroprivreda BiH d.d. - Sarajevo i povezanih društava;
11. da nemaju direktni ili indirektni finansijski interes u JP Elektroprivreda BiH d.d. - Sarajevo i povezanim društvima;
12. da nisu na bilo koji način povezani sa direktnim ili indirektnim konkurentom JP Elektroprivreda BiH d.d. - Sarajevo i povezanih društava;
13. da nisu zaposleni i da nisu angažovani na bilo koji način u institucijama, organima uprave i privrednim subjektima koji vrše poslove kontrole i revizije poslovanja JP Elektroprivreda BiH d.d. - Sarajevo i povezanih društava.

IV Kao dokaz o ispunjavanju uslova iz Konkursa, kandidati su dužni, u originalu ili ovjerenj kopiji, priložiti slijedeću dokumentaciju:

- potpisanu prijavu na Konkurs,
- biografiju (CV),
- uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
- diplomu visoke stručne spreme ekonomske ili pravne struke, koja je stečena po propisima koji su se primjenjivali prije početka Okvirnog Zakona o visokom obrazovanju u Bosni i Hercegovini ili koja je stečena u skladu sa Okvirnim Zakonom o visokom obrazovanju u Bosni i Hercegovini i koja je vrednovana sa najmanje 240 ECTS bodova,
- potvrdu ili uvjerenje o potrebnom radnom iskustvu;
- certifikat računovođe (za kandidate ekonomske struke);
- ovjerenu izjavu da nisu pravosnažno osuđivani za krivično djelo nespojivo sa dužnostima člana Odbora za reviziju u posljednjih 5 (pet) godina, isključujući vrijeme zatvorske kazne,
- uvjerenje da nisu pravosnažno kažnjeni za privredni prijestup - prekršaj nespojiv sa dužnosti člana Odbora za reviziju u posljednjih 5 (pet) godina, izdato od nadležnog suda (ne starije od 6 mjeseci);
- ovjerenu izjavu da nisu lica kojima je pravosnažnom odlukom suda zabranjeno obavljanje aktivnosti iz nadležnosti Odbora za reviziju;
- ovjerenu izjavu da ne vrše funkciju u političkoj stranci;
- ovjerenu izjavu da nemaju direktni ili indirektni finansijski interes u Javnom preduzeću Elektroprivreda BiH d.d. - Sarajevo i povezanim društvima;
- ovjerenu izjavu da nisu na bilo koji način povezani sa direktnim ili indirektnim konkurentom JP Elektroprivreda BiH d.d. - Sarajevo i povezanih društava;
- ovjerenu izjavu da nisu zaposleni i da nisu angažovani na bilo koji način u institucijama, organima uprave ili privrednim subjektima koji vrše poslove kontrole i revizije poslovanja JP Elektroprivreda BiH d.d. - Sarajevo i povezanih društava.

Kandidati su dužni u biografiji navesti podatke ili dostaviti odgovarajuće dokaze o ispunjavanju uslova koji se odnose na posjedovanje stručnih znanja vezanih za nadležnosti i rad Odbora za reviziju i način rada organa upravljanja privrednih društava.

JP Elektroprivreda BiH d.d. - Sarajevo zadržava pravo da za kandidate koji ispunjavaju uslove po ovom Konkursu kod nadležnih organa provjeri tačnost podataka datih u izjavama.

Prilikom predlaganja kandidata za izbor, odnosno imenovanje članova Odbora za reviziju, Nadzorni odbor će Skupštini JP Elektroprivreda BiH d.d. - Sarajevo, predložiti one kandidate koji su najkvalifikovaniji za vršenje funkcije u Odboru za reviziju.

Rok za podnošenje prijave je 15 dana od dana objavljivanja Javnog konkursa u dnevnim novinama „Dnevni avaz“ i web stranici Društva.

Kandidati su dužni dostaviti prijave sa potrebnom dokumentacijom, lično ili putem pošte, na adresu:

JP Elektroprivreda BiH d.d. - Sarajevo  
Sektor za ljudske resurse  
71000 Sarajevo  
Wilsonovo šetalište 15.

Sa naznakom „Javni konkurs za Odbor za reviziju“

Nepotpune i neblagovremene prijave neće se uzeti u razmatranje.

Kandidati će biti pismeno obavješteni o ishodu Javnog konkursa, a priložena dokumentacija se neće vraćati.